



Minggu, 13 Oktober 2024
Ogen: Kuan-kuanen 23: 23-24



Jabu Si Ermalem Ate



Kunci utama kemalemen ate e me meteh kerna diri ras ngaloken uga litna. Alu meteh kerna dirinta, kita paham i bas ja gegehta ras i bas ja kelemahenta. Alu meteh kerna ise kita enda si tuhuna, identitas si lit i bas kita la banci terpengaruh arah label si ibereken kalak sideban. Lit deba sebagian identitasta itentukan arah kewarganegaraan, gelar, pendahin, agama ras bentuk fisik. Tapi perlu sieteh maka identitas-identitas e labo kerinana kerna dirinta. Ertina lit karakter internal i bas dirinta si melampaui si e kerina. E maka arus sidatken kualitas i bas dirinta si erbansa kita unik ibandingken kalak sideban.

Uga ningen malem ateta adi kita pe la yakin kerna ise kita si tuhuna? Uga ningen kita ermalem ate adi geluhta erpalasken ug acara kalak mandang kita? Guna banci ermalem ate, nggeluhlah ras kalak si banci ngergaken ras memotivasi potensi si lit i bas kita, ras nggeluh lah ras nilai-nilai si iyakini kita. Bage pe kerna jabu si ermalem zxate, labo kemaleman ate i bas jabuta itentukan kalak sideban, tapi kita nge sienciptakensa i bas jabunta jine. Tentu alu nilai-nilai si iyakini kita banci maba kemalemen ate i bas jabunta e me kebenaran, kepentaren, pengajaren dengen pengertin si dungna melahirken sikap, karakter ras tindakan si banci erbansa jabu e ndatken kemalemen ate. Tentu si e kerina palasana e me erkemalangen man Dibata. Kalak si erkemalangen man Dibata meteh kerna dirina ras tehna batasen-batasan kerna kai si patut ilakoken ras kai si la banci ilakoken. Tehna ras iertina ise ia selaku bapa, nande ras anak guna ndalanken tugasna mereken kemaleman ate nandangi jabu e gelah jabu e jadi jabu si ermalem ate.

☞ Tandai dirinta ras isi jabunta